

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), a u vezi sa Zaključkom Vlade broj: 19-28-27834/10 od 15.10.2010. godine, na prijedlog Stručne služba za razvoj i međunarodne projekte, Vlada Zeničko-dobojskog kantona, na 161. sjednici, održanoj dana 25.04.2014. godine, d o n o s i

O D L U K U

o pokretanju procesa revizije Strategije razvoja Zeničko-dobojskog kantona za period 2016.-2020. godina

Član 1.

(Predmet)

Pokreće se postupak revizije Strategije razvoja Zeničko-dobojskog kantona za period 2016.-2020. godina (u daljem tekstu: Strategija razvoja), uz uvažavanje:

- postojećih strateških dokumenata po vertikalnom i horizontalnom nivou;
- postojećeg socio-ekonomskog stanja i razvojnih prioriteta i potreba Kantona;
- raspoloživih i budućih kapaciteta Kantona;
- pozitivnih društveno-ekonomskih odnosa u okruženju.

Član 2.

(Metodologija revizije)

Strategija razvoja Zeničko-dobojskog kantona u potpunosti treba da bude:

- integrirane prirode, obuhvatajući ekonomsku, društvenu, okolišnu i prostornu dimenziju razvoja;
- vodeći razvojni dokument s kojim su usklađeni svi sektorski dokumenti i finansijski okviri;
- vertikalno usaglašena sa strateškim prioritetima jedinica lokalne samouprave u sastavu Kantona, kao i sa strateškim prioritetima viših nivoa vlasti, predstavljajući instrument za operacionalizaciju prioriteta strategija razvoja na nivou FBiH i BiH;
- komplementarna i usklađena sa prostorno-planskom dokumentacijom (vremenski, sadržajno i metodološki) da bi predstavljala osnovu za dugoročni socio-ekonomski razvoj Kantona.

Član 3.

(Principi)

Proces izrade revizije Strategije razvoja bit će zasnovan na principima: održivog razvoja, integriranog i modularnog pristupa, participaciji, standardizaciji i EU-harmoniziranom pristupu.

Član 4.

(Obezbjeđenje sredstava)

Sredstva potrebna za proces revizije Strategije razvoja odobravat će se iz Budžeta Zeničko-dobojskog kantona, shodno Zakonu o izvršenju Budžeta Zeničko-dobojskog kantona.

Član 5.

(Nosilac izrade i nosilac pripreme)

Nosilac pripreme procesa revizije Strategije razvoja Zeničko-dobojskog kantona za period 2016.-2020. godina je Zeničko-dobojski kanton, putem Stručne službe za razvoj i međunarodne projekte, koja će vršiti ulogu koordinatora, a nosilac izrade revizije je Razvojni program Ujedinjenih nacija u Bosni i Hercegovini (UNDP).

Član 6.

(Kantonalna jedinica za planiranje i upravljanje razvojem)

Stručna služba za razvoj i međunarodne projekte je određena za kantonalnu jedinicu za planiranje i upravljanje razvojem u procesu izrade i realizacije integrirane revizije Strategije razvoja Zeničko-dobojskog kantona za period 2016.-2020. godina sa eksplicitnim zaduženjima koja se odnose na koordinaciju i tehničko vođenje procesa planiranja, a kasnije i realizacije, monitoringa, evaluacije i izvještavanja u procesu revizije Strategije razvoja Zeničko-dobojskog kantona, i zadužena je za pružanje podrške u ukupnom ciklusu upravljanja razvojem – od strateškog planiranja do realizacije strategija razvoja.

Član 7.

(Kantonalni odbor za razvoj)

Vlada Zeničko-dobojskog kantona će imenovati Kantonalni odbor za razvoj (KOR) kao operativno, izvršno i koordinaciono tijelo zaduženo za vođenje procesa planiranja na kantonalnom nivou.

Član 8.

(Tematske radne grupe)

Vlada Zeničko-dobojskog kantona će imenovati Tematske (sektorske) radne grupe kao operativna tijela koja KOR-u pružaju stručnu podršku pri izradi razvojnih mjera i programa u specifičnim oblastima, kao i pri izradi operativnih dijelova strategije razvoja.

Član 9.

(Stupanje na snagu)

Odluka stupa na snagu danom donošenja, a biće objavljena u „Službenim novinama Zeničko-dobojskog kantona“.

Stupanjem na snagu ove Odluke van snage se stavlja Zaključak Vlade broj: 02-28-27834/10 od 15.10.2010. godine.

Broj: 02-_____ /14.

Datum, 25.04.2014. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Stručna služba za razvoj i međunarodne projekte,

1x Svim ministarstvima i drugim tijelima uprave,

1x “Službene novine Zeničko-dobojskog kantona”,

1x a/a.